

玉庭館浮邱調琴王郭敬聽之所自後浮邱神舉王郭二真亦於此地上升今名玉庭觀

雞鳴山李元晏統兵起早至此雞鳴故名

馬軍營元晏屯馬軍之所近有戰坪

白鹿源浮邱真君燕居於此百鹿馴之因以名焉距玉庭館相近

弓山王郭二真遣仙兵與李元晏凡兵戰罷雲中墜下桂枝弓一張於此山迨今名存其地多生弓弦藤蓋當時遺跡也

鵝公埧仙鵝展翼之所今仙鵝池所真觀例係顯跡

掣傘洞朝仙之人到此多有被疾風掣去傘者

道藏輯要

三仙事實

美

翼集六

鍊墨竈距崇仙觀稍遠與烏龜峯相近乃真仙製墨之所

鍊丹井在第二峯之側香潔而味甘居山者藉此而飲每歲冲升之月傍有仙鶴花產焉

煎茶泉在第三峯之下二真嘗取水烹茶

奇異

瓦箭王郭二真化李元晏凡兵所射之箭落地皆變化爲瓦至今彼地有之猶有人得之者

瑞鑪三峯之下自產之物仰覆二層其形甚古可辟瘟災故名曰瑞鑪人能至誠叩禱隨意掘地卽獲否則終日求之不得自晉迄今不知幾年而瑞鑪之感應愈掘愈有未嘗告盡圓